

三
李
年
譜



關中三李年譜卷五

山陽吳懷清編

雪木先生年譜

明崇禎三年庚午五月二十六日亥時先生生

懷清按豐川續集太

白山人墓碣稱先生以某年月日生某年月日卒而未紀實錢衍石太白山人傳第云山人崇禎庚午惟宣

統辛亥先生七世孫象先重刊櫛葉集附刊太白山人墓碣云先生以崇禎六年五月乙巳日丁亥時生以康

熙四十年七月二十四日卯時終墓碣刊之裔孫其言宜若可信然尚不能無疑者考崇禎六年為癸酉康熙

四十年為辛巳相距只六十九歲與墓碣年七十有一而卒之言不令可疑一本集與家徵君中孚先生書憶

昔與兄相見於沙河東村兄年二十二弟年十九考二曲先生生明天啓丁卯至順治戊子二十二歲先生必

生崇禎三年庚午乃與年十九之言合若崇禎六年癸酉至順治戊子只十七歲矣可疑二受祺堂詩稱先生

爲二兄處士考天生先生生崇禎四年辛未後庚午一
年故稱爲二兄若生癸酉反少天生二歲不應稱爲二
兄可疑三卽此三端自以生崇禎庚午之言較爲可據
惟錢傳無月日因依附刊集後碣文爲據生旣爲崇禎
三年庚午卒應在康熙三十九年庚辰乃符年七十有
一之語至碣文中崇禎六年六字與康熙四十年四十
字是否手民所誤未敢臆斷應俟博雅君子論定又考
東華錄天聰四年庚午卽明崇禎三年是年四月不紀
朔而列己卯五月列辛巳而不稱朔
是朔乃庚辰日辛巳則二十六日也

先生初名如泌應童子試田心耕學使爲易名如密後

自更名柏字雪木

榭葉集易名說童試名如泌學使者田以硃筆改爲密余曰非密也取唐

名臣李泌義耳學使者曰唐無李泌惟陳情表有李密
汝名如密則可若如泌則不通矣余不敢辯旣歸思之
密陳情表斥漢爲僞朝忘君仕仇而余名如之言之不
順故易名曰柏字曰雪木 清祕述聞田厥茂字心耕
山西蒲州人順治丙戌進士七年任陝甘提學道 自稱白山逸人 本集草菴記
白山逸人之

也菴晚號太白山人先世褒城人七世祖某徙居郿之曾

家寨遂為郿人父諱可教母王氏生子三先生其仲也

生而赤面偉軀器宇異常兒豐川撰墓碣

崇禎四年辛未二歲

崇禎五年壬申三歲

崇禎六年癸酉四歲

崇禎七年甲戌五歲

所居有古柏老幹雙竦盤屈如龍時遊戲其下本集故園古柏

七律太白山前渭水鄉銅柯依倚似扶桑注老幹雙竦盤屈如龍又少騎竹馬陰邊戲注予四五歲時嘗遊戲

其下

崇禎八年乙亥六歲

崇禎九年丙子七歲

崇禎十年丁丑八歲

崇禎十一年戊寅九歲

是年父可教公卒母王孺人爲延師入小學往往吐奇

語驚人

墓碣

崇禎十二年己卯十歲

崇禎十三年庚辰十一歲

崇禎十四年辛巳十二歲

崇禎十五年壬午十三歲

崇禎十六年癸未十四歲

崇禎十七年甲申十月朔爲

大清順治元年十五歲

順治二年乙酉十六歲

順治三年丙戌十七歲

偶閱小學見古人嘉言善行卽取案頭時文焚燒一空

塾師大怒扑扶六七十令從今人章句諸生習帖括取

科第但答以願學古人雖死不悔一時同人聞之以爲

病狂喪心

本集答劉子孟長先生書按此事年次無考依墓碣先生自十七八不肯習制舉文之言推

之列在是年

順治四年丁亥十八歲

先生少負氣喜談兵家言不肯俯首習制舉文自是別

去同學

墓碣先生自十七八至二十二三自負其氣喜諸兵家言不肯俯首習制舉文 本集六十四

七古壯士老矣六十四嗜酒不知老將至匣中錢龍老霹靂寶氣騰作牛斗瑞一十八歲號健兒豈有白頭反自棄又江上七律蚤歲談兵鬢雪繁又辭修志書自十八歲別去同學燒卻八股時文

順治五年戊子十九歲

是年至整屋沙河東村始與李中孚先生會遂定交通

譜

本集與家徵君中孚先生書憶昔與兄相見於沙河東村兄年二十二弟年十九兄囊螢而讀書弟燕香

而照字學之勤同兄企慕於先民弟亦不屑爲今人志之遠同按王子京榭葉集敘聞同里子德先生曰關中三李余行季伯中孚先生仲雪木先生蓋三先生通譜之稱謂也沙河整屋縣地

順治六年己丑二十歲

先生嘗三避童試西渡沂東適晉南如棧皆兄跡之歸

本集答劉孟長書從此三避童試西渡沂東適晉南如棧出而復入不敢長往者以先妣在堂故也 蕭震生

榭葉集敘會童子試先生志在山林避不就或日暮投古廟坐達日不寐或深入智井三日夜或潛走曠野危

坐連宵不歸或出亡於外西渡沂水南入雲棧東登首陽拜夷齊墓兄跡之回塾按先生三避童試非一時事

均在此數年中姑識於此

順治七年庚寅二十一歲

順治八年辛卯二十二歲

夏六月始登太白山

本集太白山月歌七古我年廿二入雪岑老母倚門戒山客是兒健

步心膽粗勿教險巖攀松柏我隨山客入深山深入深山路二百白晝披裘六月寒夜來燃火冰雪宅按先生

生平屢入太白山特紀始於此地理通釋太白在郿
縣東南五十里郿志賈鉉禱雨記及山舍騎而徒三
里至三官祠二十里至太雪巖有雷神洞三十里至萬
笏山十里至石纍頂十五里至黑風嶺又名神會天自
六月朔至月終則霧撤山開曰開山先後爲霧封曰封
山二十里至松花坪下有水簾洞十五里至下坂寺二
十里至救苦嶺十里至上坂寺三里至寒風關二十里
至神窪三里至魔女嶺三里至東天門四里至冲天嶺
五里至分天嶺十里至孤魂窪上有三山九牙十二重
樓諸勝十八里至二里關里許至金鎖關里許至太
白池有淨池鳥如畫眉再上三里至雷神池池在洞中
有萬年不融之冰有石塔名現星樓又龍鳳二小池自
大太白池過稻地窪至二太白池十里池大數畝五里
至三太白池亦大數畝玉皇池大二十餘畝去三太白
池東面爲龍門有龍可見狀類牛而大脣長尺餘兩角
嶄然身金黑色小者長尺許二尺許蜿蜒池中腥氣逼
人去玉皇池十里三清池無水去玉皇
池十五里金背枇杷甚多藥療百病

順治十年癸巳二十四歲

先生既屢避童試至是田心耕學使案臨或教母氏命

之試不敢違遂補博士弟子員蕭震生榭葉集敘後奉
孀母命舉博士弟子累

試高等按先生入泮年分無考依事實推之田心耕督
學陝西為順治七年先生二十一歲豐川撰墓碣稱自

十七入至二十三皆不肯俯首習制舉文自無應試
事田學使以十一年去任則應試入泮當在是年為二

十四
歲

順治十一年甲午二十五歲

順治十二年乙未二十六歲

順治十三年丙申二十七歲

是年詩有丙申元旦五古一首

順治十四年丁酉二十八歲

順治十五年戊戌二十九歲

爲清湫鎮撰重修太白廟記

郿志清湫鎮在縣東二十里湫受太白池之支流

以清瀏故名有山神祠按記稱歲在戊戌清湫居民乞言於余

順治十六年己亥三十歲

是年詩有除夕歌七古一首

按詩有儂年正三十

順治十七年庚子三十一歲

順治十八年辛丑三十二歲

康熙元年壬寅三十三歲

康熙二年癸卯三十四歲

康熙三年甲辰三十五歲

長女寒梅生

本集寄康甥書老夫三十五始舉長女歸於文人孝子一段天緣竟成夢幻按本集

有嫁長女寒梅五絕一首及此書乃長女沒後寄者年並無考康甥名字亦均無考

康熙四年乙巳三十六歲

秋聞隴西驚移家入終南

是年詩有乙巳秋聞隴西警思與室家遁入終南遙憶

山居樂事故有此賦七絕一首

康熙五年丙午三十七歲

次女生

本集囑室五古盈盈兩歲女而我心頭血按詩作戊申六月謂為兩歲應先二年丙午生

為道人某撰重修鍾呂坪募緣疏按疏稱歲柔兆敦牂為丙午年

康熙六年丁未三十八歲

五月至鳳翔偕牛德徵廣文遊東湖鳳翔府志東湖在東門外蘇文忠引

鳳凰泉水猪成北岸有蘇公祠按牛德徵名維晃商州貢生歷任河州麟遊郿鳳翔潼關教職見本集而商州

志漏載

是年詩有丁未仲夏同牛德徵遊東湖分韻五律一首

撰遊鳳郡東湖序按序不紀年疑是年作請梅侯開渠堰啓郿志梅遇

字品章南城人康熙三年任興修斜谷澤谷水利開渠種柳歲早步禱太白山巔十三年遷四川同知未去南

山有賊破郿被擒不屈又梅公渠康熙六年早知縣梅遇詣斜谷分導三渠灌田甚多按渠以六年開啓應作

於是年

康熙七年戊申三十九歲

春赴整屋館於趙氏中南別墅本集瞽驢說康熙七年余館於恆州郿志金

人曾升整屋為恆州按五律稱客終南
趙一書樓又稱中南別墅趙一名待考

是年詩有戊申客終南趙一書樓值春雪五律一首客

趙氏中南別墅五律一首囑室五古一首按引稱戊申六月作於二

曲客漢宮鐘五古一首按引稱戊申居恆州夏日客恆州偶憶昔

年臥雪太白悠然有感五律一首按時應初至恆州作

撰用權論按論係康熙七年二月為警驢說寄牛先生

書按書稱九月念日在恆州客舍而不係年考明年乙酉八月先生已辭趙氏館歸書應作於是年

康熙八年己酉四十歲

仍館整屋趙氏八月辭歸按寄牛商山書去歲辭舌耕而就躬耕應謂是年事

是年詩有寓恆州聞雁有感長短句一首按詩有春歸雁儂又來等

句應是
春作

康熙九年庚戌四十一歲

春終南杜子將南遊往送之

本集粵遊草後敘庚戌春杜子聞東南山水之勝將

葦遊吳越白山李柏往送之按敘未稱杜子名字考鄆志杜子澄邑諸生詩文獨出機杼不襲陳言尤工字學

與邑人李柏齊名人稱李杜云本集有杜子海門應子澄字終南杜子或是人二月草菴成

撰草菴記按記稱庚戌二月初八日草菴成明日隨記之寄牛商山書

康熙十年辛亥四十二歲

五月杜子自粵歸過其曲滌精舍

粵遊草後敘今年辛亥五月杜子使使召

余曰來客歸矣隨至曲滌精舍出粵遊草示余

撰粵遊草後敘

康熙十一年壬子四十三歲

是年詩有鑿山開渠贈梅明府品章五古一首按詩應與代撰

潭谷河上堰水利碑記同時作

代梅邑侯撰潭谷河上堰水利碑記郿志潭谷渠康熙八年知縣梅遇在

谷口開堰分疏二渠東渠北流二十里曾家集止西渠北流二十里范家寨止按記稱今年壬子賈生琬等復

有潭谷之請則志作八年誤記又稱北流三十里左右聚落莫不霑足與志稱二十里亦異 為梅侯

種柳敘按敘不係年郿志稱梅遇開渠種柳則敘應與上記同時作

康熙十二年癸丑四十四歲

康熙十三年甲寅四十五歲

登南山鍾呂坪本集再登鍾呂坪五律畫眉雙繞足注甲寅畫眉馴擾一統志鍾呂坪在郿

縣東南五十里南山內小山不甚高而頂寬平俗傳鍾呂傳道於此六月如岐山道經杜

關賢家止宿於蜀前將軍祠本集杜義繼母李媪傳甲寅六月余如岐陽道經杜

生關賢家憩余蜀前將軍關子祠按義杜子名

是年詩有鍾呂坪七律一首按本集先生三至鍾呂坪乙巳有再登鍾呂坪五律

庚午有入山七絕詩注鍾呂坪畫眉馴擾此詩應是年初登之作

撰杜義繼母李媪傳

康熙十四年乙卯四十六歲

為僧實法撰創建夢海寺募緣疏按疏稱僧實法乙卯星紀之月過白山草

堂乞余文

康熙十五年丙辰四十七歲

夏遊吳道士洞遂留宿

按道士無考洞應在太白山中

十月避兵移家

入太白山

本集寄劉孟長書丙辰避兵入太白山按避世七絕十月移家太白巔應謂是年事

是年詩有夏日宿吳道士洞五古一首避世七絕二首

康熙十六年丁巳四十八歲

是年屆貢太學期謝不就

墓碣及年四十八貢期將偃先生謝而去之或以為言先

生愴然曰前為吾師吾母應此役今歲且近暮矣亟還故家猶以為遲而又奚戀耶

冬王青門造

訪為序先生詩

按本集有王華麓子京序為康熙乙亥作青門序今不載其名貫亦無考

雪山趙琇玉繼至

蕭趙無考 憇休禪師過訪太白山房

本集休禪師敲空遺響敘歲屠維大荒落冬十月大興善寺憇休禪師過太白山房持所著敲空遺響文集若干卷俾

予敘之

是年詩有丁巳冬月王青門寄紫荆山人永叔袁子詩
索敘言也賦此答之七古一首冬日王青門至自甯王
村辱弁詩敘日午送歸蕭雪山趙琇玉猥自田間枉訪
談至夕既歸詩以歌之即柬三子五古一首按此冬日
應即丁巳
年與上詩同和李子德寄鄂撫軍南安詩七律一首按受祺
堂詩康
熙丁巳有壽鄂撫軍詩而寄鄂撫軍南安詩未收壽撫
軍時鄂善尚在陝北剿匪寄南安詩則鄂已赴甘撫任
鄂善撫甘之命在是年
七月此詩應冬中作

撰憨休禪師敲空遺響敘

康熙十七年戊午四十九歲

春正月至青門訪韓信冢

西安府志韓信墓在城
東二十五里火燒村二月

過滿子咸瀟園

按子咸明指揮長安人見樵南花詩註

訪憨休上人於燉

煌禪院

長安志燉煌寺在城北十八里晉時有燉煌菩薩曾譯法華經於此金大定二年賜額勝嚴禪

院

先生匿迹銷聲不求聞達是年李子德太史被徵入

都數稱先生賢人始有知之者

錢衍石太白山人傳

是年詩有問鏡中人五古一首

詩有汝年四十九句

鏡中人答五

古一首

應與上詩同時作

韓信冢七絕二首樵南花七古一首

按序稱戊午二月長安滿子咸先生家樵南花崇禎初樵南杜生輦植內苑王問所從來佳其名卽以名花詩

有釐池明經杜樵南淹貫經史稱大雅大學六館推才名初牧平度駕五馬考平度州志知州杜志攀陝西郿

縣人由拔貢推薦崇禎十二年任以四方多警采石傳城民稱道之樵南應志攀字而郿志失載 戊午

三月聞西園黃鸝有感七律一首述懷五律十首

按詩皆以

行年四
十九起
輓靜虛魏先生
長短句一首
詩有我年四十九句

撰送憨休和尚敘
按序稱歲戊午予訪師於燉煌禪院

康熙十八年己未五十歲

春三月至青門訪朱山人千仞
朱山人詩集敘己未三月余過青門謁山人於

瓜田按千仞名跡無考偕韓又韓遊城南徧訪古賢名蹟
遵研齋遊記敘

青門韓子又韓已未三月偕余遊城南過古賢邑里祠墓慷慨流連按又韓名跡無考

是年詩有己未春三月青門朱千仞招飲即席得空字

五律一首己未秋故園前將軍廟前古柏為風雨所撥

詩以哀之七律一首短歌行四言一首
詩有五十一首首句

撰青門朱山人詩集敘為韓又韓撰遵研齋遊記敘贈

馮大將軍敍

按敍係稱馮駐節寶雞事考國史西安將軍佛尼勒傳康熙十七年七月引兵駐守

寶雞防棧道諸險要十八年八月去征興安馮為佛之音轉二曲歷年紀略作馮將軍尼勒此敍應作於馮駐

寶雞之
第二年

康熙十九年庚申五十一歲

夏五月至青門與滿子咸李挺伯王奎垣韓溥其朱鼎

鉉朱千仞柴廣文劉廣文郭正始杭君德張子猷任長

年趙華隱憨休和尚遊

甲戌除夜作感舊說云十五年
前東遊長安一時訂交皆闕閱

名家列其姓字則有子咸滿子挺伯李子奎垣王子溥
其韓子鼎鉉朱子千仞朱子廣文柴子廣文劉子正始

郭子其武紳則有君德杭子子猷張子其外方則有長
年任子華隱趙子憨休和尚按庚子至甲戌十五年郭

正始長安諸生即郭金湯子見受祺堂文集此作葛
誤任長年八仙菴道士憨休大興善寺主持餘無考

冬過盤屋訪李中孚徵君於貞賢里並晤其門人王爾

緝心敬於賢母祠墓碣敬年二十五時遇先生於二曲先生所齒幾長予一倍而遇予一言

之近是未嘗不亟加贊許按心敬鄂縣人詳二曲年譜心敬生順治十三年丙申至是年二十五歲二曲歷年

紀略以心敬於二十一年十月從遊者誤也

是年詩有庚申十月偶成四言一首

為郭金湯題錢叔寶深秋圖按文有庚申五月客青門語

康熙二十年辛酉五十二歲

七月過太白村畫記太白村有瓦殿一間蓋農樵合建以禮山神者辛酉七月余避雨殿中

贈商山一叟養老敍按敍甲寅兵興有楚客黃老人年八十久客秦蜀叟聞而異之事以

師禮蓋八年如一日由甲寅至辛酉為八年撰戰馬說按說稱丁巳戍兵有馬跌跛一足老農買

歸養馬愈配老牛並耕五年畫記橫渠先生十七代孫茂

才張君翰菴哀辭按辭有辛酉張子天語

康熙二十一年壬戌五十三藏

夏六月入太白山結茅屋本集寄茹侯書六月二日登太白山小結茅茨又答劉孟

長書壬戌六月入太白山九月至岐山茹紫庭明府公廨邂逅毛石

臺許子秀盧甸仙杜雲柯王巒功為十日留岐山志茹儀鳳康熙

十八年任先是兵燹之後苦荒田追賦力白上官得免荒千餘頃士民感之為建生祠富平李太史因篤為之

記餘詳二曲譜康熙二十一年註按壬戌過岐邂逅諸友五古時有四明毛石臺河東許子秀浙濱盧甸仙

青門杜雲柯華山王巒功等句籍貫外無考

是年先生弟某沒

是年詩有壬戌九月過岐茹明府署中邂逅諸友爲十

日飲予將還山詩以別之五古一首

答茹侯書

按書昨驅犢田間忽承瑤函下頒即當奉教
偃室奈新雨一犁不敢輟耕俟堃務稍閒即

至乃未晤時

寄茹公書再寄茹公書

按書有今日薪水
有資何以圖報語

本集可以敘年至五十三賴岐侯紫庭茹公
有邵豪士焦子臥雲均有資給應是年書

寄仝九搏

書

按書六月二日負笈入山
覓得秦人舊居伐茅作屋

寄輝玉書

按書六月登
山占得一峯寄

翰垣書

按書今夏南登太白於水雲窩裏覓
得桃花洞口以上五書應均是年作

答劉孟長

先生書

按書壬戌六月入太白山遙通姓字此書應再
答者考渭南志劉懿宗字孟常崇禎舉人順治

初杜門不出常長
音近應即此人

代岐令撰重修周公廟募緣疏

按疏
有歲

庚申不佞承乏來岐越數日以少牢展禮公廟一望蒼
涼語此重修周公廟所由來也先生是年始晤茹公姑

定爲是年作

康熙二十二年癸亥五十四歲

夏四月過武功友人崔玄洲張爾進等招飲於耿園茹

紫庭明府餽麥

是年詩有癸亥初夏有邵玄洲崔子爾進張子泊弟十

一馬子三泊弟十八招飲耿園即登西城野眺五律一

首玄洲諸人無考

謝茹侯餽麥書按書有向偕王將軍南歸次日大雨近來鄉村四月小麥青青大麥未黃語王

將軍即巒功向偕王南歸或上年九月事此其次夏書耶

康熙二十三年甲子五十五歲

三月華山楊時若造訪本集關西三貞女傳甲子三月華州楊時若訪予太白山麓按

時若名無考

是年許生洲學使奉 御書至橫渠張子祠便道過訪

許生洲榘葉集敘嗣奉 御書之役復至橫渠屏驪過訪郿縣志張子祠在橫渠鎮康熙二十三年賜額曰學

達天人 御書之役應謂此事許以二十三年夏莅任橫渠鎮與先生所居曾家寨均在郿東相距十數里許

之過訪應在秋冬之際

是年詩有甲子端陽哭屈子五古一首

為石道人鳴鶴撰重修吾老洞碑記按記稱終南山說經臺西八里有古

老洞上有老子廟工始於癸亥二月落成於甲子正月 寄張子餘秋元書陝甘進士錄張

曾慶號匡湖華州人康熙甲子解元辛未進士按書稱一戰而席卷三秦應是年書子餘其字

康熙二十四年乙丑五十六歲

春過岐茹侯公廨晤李子德太史爲十日留

受祺堂詩乙丑有歧

山公廨喜晤二兄雪木處士卻送還山一首本集復茹公書今春又在春風中住了十日應是年事

四月

至青門會老友滿子咸之葬寓蒹園初子咸聞先生將

入山

按入山應指壬戌入太白山結茆而居事

欲以女孫許字長子崧以貧

故婉辭之至是先生念舊復以爲言遂由韓又韓作伐

定婚

按會葬事於書無徵壬戌生孫七古當年垂涕媿婚約殘燈黯淡酒半醺注予將卜居深山先生苦

留不得因以孫女許聘長男又我以家貧靳一諾三年俠氣散秋雲注別三年先生沒於家園又素車白馬入

龍首蒿里薤露歌送君注余自郿至青門會葬又明日以情告厥子子遵父命爲許婚韓子又韓在冰下紅繩

雙綰絲蘿痕注余友韓又韓欣然自許爲冰人依注別三年先生沒之言推之先生壬戌入山結茆至是三年

子咸之卒應在是年又是年寓蒨園聽鷓有
感云莫道山陽笛聞聲憶舊遊亦一證也

是年詩有乙丑元日四言一首乙丑孟夏寓蒨園曉聽

黃鸝有感五律一首輓子咸滿老人七律一首

復茹公書撰重修岐山縣文廟疏岐山志文廟康熙二

重修荀節婦傳受祺堂詩乙丑有盧節婦兼慰乃父聞庭

歌以弔之傳應與天生詩
同作盧爲夫家荀舉母族

康熙二十五年丙寅五十七歲

夏四月至富平訪李子德太史於韓家村兼晤宋隱君

振麟受祺堂詩丙寅雪木二兄過草堂同子禎作有正

生是年詩有明月篇贈溫母唐節婦七古一首按詩明

山注富平有明月山在頻山子德大弟宅喜晤宋隱君
應過子德草堂時作

歌以贈之七古一首挽張伯欽七古一首二曲集張伯欽傳伯欽名

志坦武功茂才張澹
菴伯子丙寅秋仲卒

為張澹菴撰哭子類編敘

康熙二十六年丁卯五十八歲

秋七月遊少白山郿志少白山在太白山前林壑幽異
層巒聳翠為郿南勝境俗名香巖山

處士李柏做太華少華太
乙少乙更名少白山云

是年詩有丁卯少白山七月十五夜月五絕十首茹明

府新遷別駕因卜居河東七律一首受祺堂文集茹使
君墓誌銘公既東

歸司馬方令岐得優旨待次郡丞遽請代趨邸中待湯
藥者凡六旬以二十六年六月卒按別駕去岐應在春

夏之交

為許學使撰華嶽集敘

按許學使敘榭葉集在是年仲冬明年即去任先生敘許集或

亦在是年

康熙二十七年戊辰五十九歲

七月得河東大牛一愛而騎之時來往田間牛臥則坐

脇上呼曰牛蒲團

本集元氣論戊辰七月予買河東大牛身高三尺頭尾丈二予愛之故來

往田間騎牛背牛臥場圃坐牛脇呼為牛蒲團

是年詩有五日哭屈子七古一首

按詩有戊辰五日日辰時菜根入口哭屈

子撰創建少白山真武殿記

按記稱郿西言為記

四為第五

村撰重修太白廟碑記

按記稱郿西南十五里第五村舊有太白廟村民重葺之落成

於戊辰五月問記於柏寄茹明府紫庭書按書有如何一年不見音書及太君春秋高百
口萍寄堯都語只言太君則已
知紫庭丁父憂書或是年寄

康熙二十八年己巳六十歲

再登鍾呂坪

按再登鍾呂坪詩註己巳燕子集頭爲是年事

冬十月憇休禪師

再造訪太白山房

是年詩有己巳五日哭屈子五古一首疇昔五絕三首

按詩云六十尚貧窮

再登鍾呂坪五律一首

爲憇休上人撰重修大興善寺大佛殿記

按記長安城南大興善寺

憇休和尚甲子仲春入剎住持丁巳冬十月師西入磔池訪余太白山房來言勒文記石之事考咸甯志興善寺在永甯門外五里隋開皇間額曰大興善寺本朝康熙二十四年憇休和尚修山門而漏載是年修大佛殿

事

康熙二十九年庚午六十一歲

三登鍾呂坪

按甲寅己巳一再登至是為三登

茹紫庭司馬之任衡州

按紫庭二十六年六月丁父憂上年冬服始闋補衡州同知應在是年

邀遊南嶽秋九月

出關

本集復張子餘內翰書弟於庚午九月為茹紫庭司馬邀遊南嶽

十七日過熊耳

山空相寺止宿韓城

按南遊草過空相寺為九月十七日是夕宿韓城盧氏縣志熊耳在

縣南七十里禹貢導洛自熊耳即此而不載空相寺宜陽縣志韓城鎮在縣西五十里西通山陝周顯王時

韓昭侯所封張子房家世相韓即此

經南召臺頭

按南遊草二十二日宿南召二十三日自南召

南行四十里村名臺頭考南陽府志南召鎮臺頭鎮均在南陽縣南四十里均有東西二處與南遊草道里異

二十四日過南陽臥龍岡謁武侯祠

南遊草九月二十四日謁臥龍岡諸

葛忠武侯祠南陽府志城西西南七里臥龍岡昭烈三顧處有諸葛祠明日經光武故里

謁廟南遊草二十五日南行道左古碑大書曰漢光武故里東行百餘武有光武廟老僧導予入前殿貌

白哲少年僧曰此帝幼像也予下拜從東階趨入正廟冕旒穆穆者光武也兩廡雲臺二十八功臣也南陽

府志春陵侯國在南陽故蔡陽泉鄉十月朔過樊城泊舟漢上次日登南

岸訪襄陽田驚寰大令一鳴南遊草十月一日遊樊城泊舟漢江二日登南岸觀

襄陽形勢又贈田二驚寰七古五陵豪士田二郎縮綬南治楚襄陽考襄陽府志田一鳴富平官生康熙二十

八年任襄陽知縣二十四日過長沙謁屈賈祠為文祭之十一

月初至衡州按長沙距衡州三百六十里至衡約在仲冬寓茹司馬署齋度

歲

是年詩有贈彈琴老人李顯吾七古一首按本集辛未居鳳翔贈老

人詩彈琴老人七十八此云彈琴
老人七十七應先一年庚午作
庚午入山七絕一首

鍾呂坪五律一首
按先生甲寅已庚午三登鍾呂坪
已已有再登鍾呂坪五律餘二首不

係年七律一首已編次
函谷關長短句一首
靈寶縣志
函谷在城

南十二里澗水之西老明西
度田文東出即此關今廢
渡伊水五絕一首
河南府志伊水

出盧氏熊耳東至郭落山北入嵩縣又東
北入洛陽歷伊闕至偃師縣南入於洛
曉發五律一

首
按詩曉行汝水岸
是赴衡途中作
秋林長短句一首楚江秋和崔唐

臣七絕一首贈田二驚寰七古一首襄陽歌七古一首

江上夜放佛燈五絕一首舟行尋江上釣磯五絕一首

江上一首聞鐘五絕一首舟中即事五律一首漢水七

絕一首秋思一首
按詩水靜魚吞相浦月天空
雁度岳陽樓是初入湘作
自述七

古一首按詩漢江乘槎到陽臺七絕一首金陵七律一

首舟中七絕一首按詩長江萬里臥青龍應過江入湘時作過洞庭五律一

首洞庭七律一首洞庭七絕一首過洞庭思岳武穆戰

功七絕一首泛舟湘江七律一首晚泊七絕一首按詩夕陽

西下湘江裏入湘時作湘江月七古一首湖南五律一首按詩洞庭木葉

落為入謁屈三閭賈太傅祠七絕一首長沙府志賈誼故宅即賈公祠

今以屈原合祀名屈賈祠長沙弔屈子七古一首弔三閭大夫五古

一首按此詩二見一見榭題明長沙太守忠烈蔡江門

先生墓碑五絕一首長沙府志蔡道憲號江門晉江進士長沙推官多惠政崇禎十五年

八月賊攻長沙道憲登碑死守城破不屈磔之從役凌國俊乞裹公骸葬黃道門外醴陵坡上士民哀慕建祠

大西門內事聞贈太僕卿諡忠烈欽定勝朝殉節諸臣錄長沙推官蔡道憲崇禎十六年獻賊薄長沙時道

憲署府事固守城陷不屈死通諡忠烈按忠烈乃本朝賜諡府志欠分曉詩稱太守以署府事故志內亦漏

載湘陰七絕一首所見五絕一首按詩雁不過衡陽應抵衡州作夜坐

七絕一首雁字七絕四首按詩揮毫叫落衡陽月及滿眼牢騷客異鄉似在衡州作

念別離五絕一首按詩雁叫衡陽雪魚沉湘浦雲亦在衡州作湘上除夕七

絕三首

撰過函谷關論過熊耳山空相寺記過韓城論問山中

老人按係九月二十二日南召亦二十二日臺頭二十三

途次南陽臥龍岡謁武侯廟論光武故里記流賊張獻

忠破襄陽說祭屈賈兩先生文記洞庭按以上論記字除函谷關論外

餘皆依文體 蕉窗拾粹小引

康熙三十年辛未六十二歲

春二月登回雁峯

衡州府志回雁峯在清泉縣城南回雁門外蓋雁遊寒至南已暖過此者

少耳上有雁峯寺按清泉衡州附郭縣

又至衡山登祝融峯

衡州府志祝融峯在衡山

縣西三十里按南遊草回雁峯詩有歸思茫茫

三月去

衡州北還過荊州偕梁質人遊護國寺

按荆王創建護國寺文有辛未

二月予至荊州偕江右布衣梁質人遊護國寺質人無考

由襄樊鄧內鄉入武關經

商州藍田

按操舟文稱辛未三月北還取道荊州至襄陽自樊鄧入內鄉商於至藍田

四月

晦過武功晤焦臥雲

寄茹司馬書五千里外聯榻四月已而分手經荊州武關渡藍關四

月晦晤焦臥雲按臥雲武功人集稱有傑豪士亦字潛飛名無考

五月四日至家

寄杭君德

書五月初四日到家歲仍大旱麥田百畝僅收五石舉家十五口

知不可活復張子餘內翰書辛未五月還山麥禾百畝僅收五石舉家十五口知不可活西遷鳳翔

將西遷為長子崧納婦滿氏於青門臥雲助之成禮子

生孫七古蹉跎歲月十餘載遭荒西徙岐周原有邵豪士臥雲子僕馬黃金如瀟園蕭條旅邸略成禮荆為釵

為裙今布秋七月二十四日攜家去郾與蕭柳菴及蒼二弟

日去我故鄉至鳳翔西房村僑居亢氏書室薪難篇辛未七月

西房村亢氏書室以十五金託故人程名世糴麥秦州名世奪

之知人難篇子避地鳳翔欲糴麥於秦州徧觀交遊無如程名世者與銀十五兩名世見利忘義名為代勞

實奪之遣人反郾種麥百十三畝冬無雪十二月大牛羸

餓死元氣論辛未大旱野無青草力不能飯牛羸瘦骨立竟長臥死臘月

是年詩有湘東懷太白山房七絕二首

按詩王孫芳草入春煙為辛未

春回雁峯七律一首回雁峯別茹司馬遊衡嶽雨雪兩

月登山次日萬里開霽得觀海日下山陰霾如故七絕

一首衡峯書懷五絕一首衡峯即雪七絕一首祝融峯

七絕一首望日臺五絕一首

衡州府志祝融峯東為望日臺漏下五鼓登臺而望

人間尚夜此處已見朝霞須臾日出望日臺見海氣晦暝須臾晴霽七絕

一首衡峯望日歌柬紫庭茹司馬七古一首望月臺五

律一首

衡州府志祝融峯巔西有望月臺人間夜月已沒此處清光自若良久後沒

嶽頂泉

七絕一首

衡州府志衡山紫蓋峯上有鶴泉又有飛泉直注山下芙蓉峯上有飛泉瀑布虎爬泉在

祝融峯側此泉應指祝融峯而言冰柱七絕一首衡麓道上七絕一首

鄴侯書屋七絕一首

衡州府志李泌故居在煙霞峯下泌為李輔國所譖隱衡山肅宗詔

為泌治精廬於山中湘潭七絕一首

按詩拚取洞庭春一醉為辛未春作漁父祠七

絕一首鸚鵡七律一首

按上詩有湘潭寂寂落花多此詩有洲邊芳草枉悲傷似皆湘

中歸途作即事五律一首

原注辛未按詩悠悠岐西遷五律國路應將遷鳳翔作

二首旅夜秋七絕一首聞蟋蟀七絕一首

按上詩有去歲他鄉秋思

苦今年客舍又逢秋此時有客情正是秋風夜似居鳳翔作

望夫山七古一首按引稱辛

未十月為寓岐陽作

又贈彈琴老人七古一首

原注居岐陽作有懷五律

一首

按詩稱去家已六月及偃臥周原上應辛未冬杪作

撰蕉葉雨敘

按敘稱衡湘客舍有竹亭一間芭蕉一院予愛聽雨聲應辛未春作荆王創

建護國寺論元氣論著薪難知人難寄茹司馬書寄岐

陽琴俠李顯吾書

康熙三十一年壬申六十三歲

春寓鳳翔郿田旱麥枯

復張子餘書冬無雪春無雨麥根枯又不可活

三月二

十四日攜家去鳳翔入雲棧出褒斜至沔縣留寓一月

經南鄭登古漢臺觀拜將臺五月抵洋縣

本集操舟論壬申三月自

陳寶入雲棧至褒口寓沔一月五月東遷於洋寄臥雲書三月二十四日登車西行越陳寶出褒斜次日同君

衡登漢王臺觀拜將臺

漢中府志棧道由寶雞界黃牛鋪至留壩南星二百里至武關河交褒城界百五十

里至射鴻臺交沔縣界百七十里又拜將臺在南鄭南城下相傳漢高祖拜韓信為大將築此以受命今址尚

存按漢中志無漢王臺而有天漢臺古漢臺天漢臺在郡東北今廢無可登古漢臺在郡堂東北隅一名七星

臺高丈餘圓百步中有榭三楹新建茆亭名曰一草取杜工部句也此應是登古漢臺而誤為漢王臺特更正

之六月僑居洋城東南隅秦太學德英精舍與蕭東始書僑居洋

縣東南隅乃秦太學德英精舍又癸酉元日紀事壬申六月予入精舍按德英名失考十月初九

日經城固如南鄭本集過留侯子房張先生祠壬申十月初九日自洋縣將如南鄭過樂城

考城固志漢建興七年丞相築樂城於城固改為樂城縣晉復為城固宋齊梁魏皆因之

是年詩有壬申春岐陽客舍有懷七絕一首憶故園七

絕一首按詩家鳥家山各扶風七律一首按詩行人未

望長安亦斷腸及煙銷絳帳鶯歌碎棧閣五絕三首鳳

嶺五絕一首漢中府志鳳嶺在鳳縣南二十五里出西

最高紫柏山次趙文肅公韻七古一首漢中府志紫柏

北五十里層巒疊翠古柏森陰山頂及山椒均過陳倉

有留侯祠相傳子房避穀於此按文肅名貞吉

次韻弔韓淮陰五律一首

漢中府志陳倉道口在留壩廳北九十五里相傳為淮陰

侯襲廢邱關故道又陳倉古道在留壩廳西北九十五里自桑坪鋪山入口至沔縣百丈坡出延互三百餘里

漢淮陰暗度

定軍山謁武侯廟七律一首

沔縣志定軍山在縣東南

陳倉者此也十里上則兩峯對峙下則河流環繞可容萬軍漢黃忠斬魏夏侯淵於此山下有武侯墓墓前有祠後主景耀

六年詔立廟於沔陽

拜將臺七律一首壬申五日新遷

漢上哭屈子七古一首遷於漢五律一首秦太學德英

藥室五律二首即事五律二首

按詩就食漢陽川及年幾過七九是年寓洋縣

作寓洋城五絕五首漢上秋思五絕一首客窗蕉雨七

古一首

按詩太華松濤太白雪悠然

漢中七絕一首別

竹七絕一首夢竹七絕一首

本集殺蜘蛛說余少慕淵明之為人故於齋前手種

五柳而題之以詩又種苦竹百餘竿按種柳詩集未收
別竹夢竹即指齋前所種之百餘竿也自遷於漢以下
各詩皆居洋時作年分未能確定約略編次下仿此古漢臺七律一首謁武侯廟

七律一首按詩有孔明古廟在梁洋聞哭七絕一首按詩客窗風雨夜三更及一天

幽怨落江城
是居洋作

與友人議辟地按議有漢上即漢中若欲辟地撰過樊

河論按論稱壬申四月四日於雲棧樊河見石碑考漢中志馬道口在南鄭北九十里古名寒溪昔韓信

亡漢至此水漲不得渡蕭何故追及之樊噲於此建橋今名曰樊河瑞王故宮論按宮在漢中府

城內操舟論按論歷述庚午辛未壬申三年舟行事應是年作漢江櫂歌按敘以六

十二歲之老農南客漢上先生按敘稱壬申至漢已六十三二應三之誤可以集敘按敘稱壬申三月避地漢

中寄杭君德書按書稱今年遷洋縣復張子餘內翰書按書壬申三月

南遷漢上考子餘於三十年
成進上入詞垣故稱內翰
寄臥雲書按書稱壬申三月

寄雲柯書按書稱前三月二日南遷漢上
寄焦臥雲書按書稱四月如漢南

焦臥雲子書見本集補遺有前信不知見否及漢南無筆買數管寄來語應是年作
與蕭

東始書按書稱僑居洋城東南隅
寄門人同九搏書按書如能擇地而蹈當相待天

臺漢水之間以上七
書均初至洋城作

康熙三十二年癸酉六十四歲

人日出洋城北郊遊張文靜竹柳園宛在亭遊宛在亭敘癸酉人

日北郭老人文靜張子邀遊宛在亭亭在洋州北郊竹柳園中按文靜名無考
二月渡漢入南

山覓耕牟氏沙河山田四月入山課耕雜著耕難癸酉二月過江入南

山覓牟氏沙河山田二十畝耕之至四月二十日偕吳
二入山遇雨二日始晴耕洋縣志漢江在城南二里

城固志小沙河在
縣南十里北流入漢鄒南谷邑侯聘修洋志一再堅辭

之洋縣志鄒溶字南谷吳縣人乙丑進士康熙三十年任按鄒溶洋志序涓吉滌館於甲戌之夏延鄉之博

雅君子大夫編次成編而先生辭書有迄今六十四老
毫龍鍾語或先一年延聘至次年甲戌夏始設局纂修

也張仲貞太守歸自南中相見如故舊與張大將軍幼南書洎令叔自

南歸一見如生平故舊凡事所需皆先意綢繆洋縣志張京鏞字仲貞靖逆侯勇弟承兄蔭初任雲南廣東

知縣補廣西崇善知縣歷任廣東肇慶知府考肇慶志
張京鏞洋縣生員康熙十七年任二十二年去書稱自

南歸應自幼南福建
提署歸者或在此年

是年詩有元日試筆五律一首按詩江上理絲綸應居洋次年作友人

文學張子招飲宛在亭賞紅梅七絕一首六十四七古

一首六十四五絕二首洋縣五日哭屈子五絕一首韓

淮陰挂甲樹七古一首

按引洋州西北二十五里有酈都山建三清廟廟前古柏蓋數

千年物相傳為淮陰侯挂甲樹而洋志未載

漢王城七律一首

洋縣志漢王城在縣西四

十里漢高駐蹕於此按西鄉縣午子山上亦有漢王城此應詠在洋者

詠蘭和鄒明府七

律二首

按上四首均收入甲戌所修洋縣志應是年作

夢終南劍客趙靜齋七

古一首

按詩我在漢江登漢山

題周在豐松鶴圖七古一首

按詩何幸

周生寫石墨與我相值瀟水東考洋志瀟水在縣西一里

江上七律一首故園古柏

七律一首

以上四詩或是年作

撰遊宛在亭敘癸酉元日記事著耕難明漢中府瑞王

夫人劉妃傳關西三貞女傳與蕭柳菴及蒼二弟書

按書

屈指辛未七月二十四日去我故鄉過二年矣

與家徵君中孚先生書

按書西風吹漢

水白雲滿秋山千里孤客豈能忘情但道路
悠遠是以留滯彼土耳應與上書均是年作答蕭柳菴

孝廉書

按書久客三載自辛未至癸酉為三載

與張大將軍幼南書

按書秦中

大旱四五年攜家入漢以六十三歲之癯為一千餘里
之孤客考豐川續集庚午憂旱詩云積旱連三載又飢

饑後逢故人詩云奇荒連五載則自戊辰始旱至
壬申五年書稱六十三歲或就壬申遷漢時言耳紀月

蝕

按文稱癸酉年十月十六日月蝕

康熙三十三年甲戌六十五歲

是年移寓張仲貞太守淡園

墓碣就塾漢南得東道故太守仲貞張公款留本

集淡園記仲貞張先生有園一畝館余其中問園名焉
余曰淡園又生孫七古明年遊地漢水上牛缺之子讓

草軒源莊註後有張家賢太守為結茆屋雙梧桐
按生孫在是年八月時已寓淡園移寓或在是年二月

至城固

樂城火樹七律山城二月關芳菲萬戶煙花似
帝畿按上年二月曾渡江入南山覓田此至樂

城應是年二月冬北至青門主劉輝玉家度歲感舊說甲戌除夜寓長安城南

劉輝玉家

是年八月長孫衡州生生孫七古引甲戌八月癸丑長男崧婦生子考聖祖實錄甲

戊八月丙申朔癸丑為十八日又本集有幼孫衡州五絕一首衡州應長孫乳名

是年詩有樂城火樹七律一首洋州七律一首洋州黃

氏園林七律一首漁父詞七絕一首按詩漢水江邊一老叟年年把釣坐

江口應至漢數年矣柏子樹五律一首按序避地漢上三年為甲戌作壽仲貞張

翁七古一首生孫七古一首贈醫者王老人五律一首

撰洋州人物論淡園記仲貞張公淡園跋仲貞張先生

像讚感舊說復張大將軍幼南書按書一別九載考幼南以康熙二十五年

任福建陸路提督至
三十二年適九載
答宗弟仁侯書按書今日將軍固客而我亦客矣歲

未凶憂將軍病歲既凶憂將軍貧今者歲豐不憂將軍貧而還憂將軍病云云秦自庚午荒旱數年至甲戌乃

收此書應是年作

康熙三十四年乙亥六十六歲

春在青門二月至渭南訪孫長人孝廉於元象山麓見

堂記乙亥二月余遊渭南訪孫子於南山之麓又泐莊記元象山西壑澗水出焉明南冢宰弦圃公之別業也

今為孫孝廉長人購得之渭南志孫士傑字長人號南月拔貢丁卯領順天鄉薦乙丑選授廣東茂名丁酉

奉行取以三月重過薊園按乙酉重至薊園七律驅馬疾卒於官南遊值暮春應將南行赴洋

縣作乙酉僭改旋郿掃墓駱簡菴邑侯聞而招之館於

南禪為序梓榭葉集王子京榭葉集敘乙亥暮春先生以掃墓旋里邑侯駱簡菴聞而招

之館於南禪請出先生之文章命梓人布告海內按駱
亦有序 郿志駱文宜城人康熙三十年任鳳翔府志

駱文以宋牧仲梁質人張采書之邀十二月自洋攜家
貢生

北反寓居樊川墓碣越三年以商南牧仲宋侯江西質人梁公蘇州采書張君之邀乃辭漢北

反而仍寓家樊川按本集雜著柴關乙亥十二月初三日午過柴關考柴關在留壩廳北五十里西連紫柏山

上下五十里亦棧道一險先生以壬申遷漢越三年為
乙亥是年十二月過柴關應攜家北反時事梁質人張

采書無考牧仲
非宋犖亦無考

是年詩有乙亥重至瀟園懷滿處士子咸七絕三首按

集原作乙酉考墓碣及郿志皆稱先生卒年七十一歲
在庚辰至乙酉沒已五年焉得重至瀟園蓋先生以甲

戌冬青門度歲踰春重過瀟園於事情頗
合因僭改為乙亥以俟博雅君子考定

為孫長人撰見山堂記泊莊記著柴關張烈婦傳

康熙二十五年丙子六十七歲

冬焦臥雲贈鶴先生愛之名曰松友

按贈鶴事應在洋縣北反次年說詳

後本集憶松友五律云仲冬浮潼水臘初度澹川贈鶴或是年冬事

是年詩有謝焦臥雲送鶴七律一首松窗鶴友七律一

首撰松友名鶴記

康熙三十六年丁丑六十八歲

三月至武功訪焦臥雲於東郊精舍

按先生手書鬼孝子傳後注丁丑三

月撰於有邵臥雲焦子之東郊精舍時年六十有七其紀年有異重刊集補遺改時為明尤屬遷就十二

月至青門主劉輝玉連夕夢松友懷疑之初八日歸即

覓松友小孩女曰松友折一足矣先生怒詈家人不止

急飼以穀餅不食則飼以肉不多食次日羅雀飼之次

日又殺雌雞飼之皆不多食會家中殺豕未脫毛先割

取舌一片納之口竟不能食死時十二月十九日也爲焦

臥雲告松友之變書抵劉輝玉家乃十二月初一日也

二之日夢回草堂家僮答以松友壞矣予心有所疑三

之夜夢如前四之夜夢如前十二月八日還家一入柴

門連呼松友小孫女云松友折一足矣自此不食穀餅

次日買猪肉飼之不多食次日羅雀飼之不多食次

日殺雌雞飼之不多食次日殺一猪飼之未脫毛先斷

舌少割一片納入口中而松友昏然氣絕蓋十二月十

九日也按臥雲贈鶴及鶴死皆不能得其年惟依小孫

女告一事推之先生娶長子婦在辛未生孫在甲戌孫

女或先孫而生亦在壬申癸酉間至是年四五歲乃能

告變又自庚午南遊辛未北還即西遷鳳翔壬申又遷

漢上乙亥冬杪反里此數年中臥雲必無贈鶴之事贈

鶴或在上年丙子至是歲杪爲猶子某納婦告松友之

年丁丑冬而鶴遂死耳

家姪畢姻不違埋瘞俟來春殮以白布
葬之太白山麓以沙書石曰松友之墓

是年詩有夢以詩哭松友覺而書之五律一首用唐宮

女結句憶松友五律五首

撰鬼孝子傳致焦臥雲告松友之變書

康熙三十七年戊寅六十九歲

耀州李穆菴刺史延先生課子於州東孫真人洞墓碣先生

仍為耀州守穆菴李公延之課子於耀州山孫真人洞
耀州志知州李銓正黃旗漢軍康熙三十年至又州

東三里為五臺山有唐孫真人隱居石洞按穆菴應銓
字墓碣不言何年至耀據鐵墨吟敘有戊寅夏晤張少

文於五臺山中語夏與張少文會於五臺山中鐵墨吟敘余友

少文張子遼海人也生長簪纓才高而學
富戊寅夏與余邂逅於役祔五臺山中

與張少文書按書秋到五臺應知邊城秋風更早蓋少文西遊甘肅此答其來書也

康熙三十八年己卯七十歲

在耀州一日以醉墜牀病遂返郿故居墓碣一日以酒醉墜牀而病病

中仍歸於郿曰是吾邱首之宜也考郿志有宋生買宅樊川招之往亦不果或指是年返郿事

撰襄平張少文集敘鐵墨吟敘按敘戊寅夏與少文邂逅既而西游湟中

歷允吾酒泉金城玉塞南安武威又歸秦為敘詩集應後一年事題鄧尉看梅詩後按

少文題應與上一二敘同時作

康熙三十九年庚辰七十一歲

是年七月二十四日卯時先生卒墓碣歸郿又一年年七十一而卒由崇禎

庚午至是年七十一惟附重刊集後之碣作康熙四十年七月二十四日卯時卒年之可疑已辨於生年下而

月日時
仍依之

康熙四十年十二月葬於曾家寨南墓碣康熙四十二年臘月十二日葬鳳

翔府志李柏墓在郟縣故居曾家寨南里許距縣治三十五里

康熙五十七年奏祀鄉賢學使覺羅賡揚並給先生長子

崧衣頂明年春奉主入祠豐川續集與學使逢公書倘蒙俞允郟縣馮豫為峪泉公

嗣孫給之衣頂與雪木李公子一例沾恩尤見崇賢褒善之宏義又與郟令趙侯書馮豫一貧如洗竟與李崧

同科諸凡典禮自應非力所能任是惟賢侯為風教起見不責此二子以不備聞前此特發冰俸創建賢祠計

此時想已成就來春正月內擇日送二先生主入祠亦合月令崇德尚賢之宏義按二書為先生及馮雲程入

祀鄉賢祠事而發考清祕述聞覺羅逢泰字賡揚康熙庚辰進士五十六年以檢討任陝甘學政奏准祀鄉賢

及入祀或在五十七八兩年馮雲程字海鯤號峪泉子順治丁亥拔貢選判賓州未一年以取送迎折腰告病

歸先生
至交也

乾隆元年丙辰二月子崧立碣墓前按墓碣稱其樹碣也
以雍正十一年某月

日也附刊本集碣文即豐川撰者則云其樹碣也則以
今乾隆元年二月清明也蓋豐川撰碣在雍正十一年

故第記年而無月日而子崧樹碣則在
乾隆元年二月本集碣文各異以此

光緒十八年壬辰邑人王松亭學博偕同志為先王建祠

於曾家寨置祭田王仙洲榭葉集序憶壬辰歲先松亭
兄約同志創建先生祠宇置祭田

三原賀復齋為之記國史儒林傳參清麓文集賀瑞麟
字角生號復齋三原人年十七補

諸生旋食餼三試秋闈報罷時年二十九深念應舉非
為己之學決捨去益致力儒先書主講邑學古書院巡

撫劉蓉馮譽驥總督左宗棠先後聘主關中蘭山書院
及志學齋講皆固辭會有蜚語謂書院不課時文者即

日去學古自闢清麓精舍於清涼原來學者眾其學一
宗朱子以主敬窮理為綱要於陽儒陰釋之辨尤嚴兩

經疏薦累賜國子學正及五品銜卒年七十著有五
子信好錄讀朱錄要養蒙書清麓文集三水縣志

雪木先生年譜附錄

國史儒林傳

李柏字雪木陝西郿縣人九歲失怙事母至孝備歷艱辛而色養不衰稍長讀小學曰道在是矣遂盡焚帖括日誦古書嘗東登首陽拜夷齊墓歸而師扑之曰汝欲學古人吾必令汝學今人也則應曰必學古人師再三扑之應如前以母命一就試遂補諸生母卒入太白山中布衣蔬食極人之所不堪時自誦曰貧賤在我實有其門出我門死入我門存又曰牛被繡鸞刀就又曰古之人有七日不火食者有三旬九殮者有食木子橡栗者有屑榆者有一日

長坐者有餐氈齧雪十九年者蓋有主於中不動於外所謂不忘溝壑也年四十八將貢或勸之行愴然曰昔爲吾母應此役今奚戀耶康熙三十二年卒按卒在三年七十一一著有榭葉集十卷按只五卷整屋李顥與富平李因篤及柏相善康熙間關中稱儒者咸曰三李也

墓碣

鄠縣王爾緝心敬謨按此爲豐川續集原文而以附刊榭葉集後碣文之互異處附在各句下

雪木先生旣葬之

原十缺原年三十三年重刊本集作

其冢子崧謀立

其墓道之碣而東來委記於余嗚呼自先生沒典刑之感時廬余心矧知先生更無如予而可以不斐辭耶謹按先生姓李氏名柏字雪木自號太白山人原籍漢中府褒城

人七世祖某徙郿之曾家砦居焉遂為郿縣人父可教母

王氏生三子先生其仲也生而赤面偉軀器宇異常兒九

歲而孤母王孺人鞠之為延師入小學即往往吐奇語驚

人及年十七入至二十二三輒自負其氣喜談兵家言本集

無至二十三以下十五字而作稍知讀不肯俯首本集

古書即慕傳記所載古高逸之為十六字不聽聽本集作改下

首二字研習制舉文文本集師屢責之不聽有如是者數年

句一日師怒而笞之數十母孺人聞之亦痛加督罵先生

乃屈首誦文課藝無幾時遂入邑本集無庠補弟子員又

無幾時歲試學使賞其文之迥由由本集性靈遂拔拔本

授或手民誤之冠一軍而文名藉藉颺邑庠矣然終非其好也

常日率置制舉文於其案而所私讀則經世之書與陶冶
性情之詩一日負鋤出耘家人饋之食則見其依隴樹而
誦漢書又一日驅羊出牧則背日朗讀晉處士集亡羊而
不知凡聞西鳳名勝地與老成耆德輒徒步遊訪雖祈寒
大暑跣踵而不辭太白山者終南萬里第一險阻阻本集作峻

寒遠之山也

本集也下有先生二字

必一年一遊

本集遊下有每字

至山巔

對天池必徘徊浩氣久而後去或問山路山氣如此之險
寒一遊得其概足矣歲歲必登也何故先生曰登山之巔
爲之塵眼空對山之池本集作對池之清爲之塵慮淨生平快事
孰過於是聽者爲之掩口而笑先生不屑也及年四十有

入貢期將偪先生則謝而去之或以爲言先生愴然曰前

爲吾師吾母應此役今歲且近暮矣亟還故家家本集作我猶

以爲遲尙又奚戀耶晚年高風逸韻風動關中賢守宰往

往折節交下風歲庚午西鳳大旱先生乃攜家就塾漢南

本集南下有於字洋縣按庚午遷鳳翔至辛未乃遷洋縣得本集得下有賢字東道故太

守仲貞張公款留乃託足焉越三年以商南牧仲本集無牧仲二

字宋侯江南質人梁公蘇州采書張君之邀乃辭漢南北

反而仍寓家樊川蓋愛其地之盛盛本集作勝又喜生平故知

之咸在臨臨本集作鄰邇也而先生則仍爲耀州守穆菴李公

延之課子於耀州山本集無耀州山三字孫真人洞本集洞下有穆菴生平原契此

洞為一郡名地故先生仍託此終老耳二十二字本集無一日以酒醉本集無墜牀而病

病本集作疾病中仍歸於郿曰是吾邱首之宜也歸郿又一年

年本集無七十有一而卒嗚呼先生賦高岸曠達之姿生

平信心徑徑本集作經情不投時好處或不能無至其心

事之光明磊落若時下之齷齪委瑣之態二三巧詐之愆

則毫釐不以緇緇本集其素定之天而如遇美酒逢故人

開懷放意於上下古今無所不語語之又靡不慷慨淋漓

使人欲歌欲泣而不能已則既老之年依然不減少壯也

又先生氣甚勝而高遇意所不可雖本集雖下貴人前必

伸其意之欲言而本集而下有心則甚虛守又復本集無

如其二字

復字

甚固見善卽卽本集作輒不難屈己以從敬年二十五時遇先

生於二曲先生所本集無所字齒幾長本集長下一倍而遇予

一言之近是未嘗不亟加贊許自後每見凡有規勸無有

不欣然意納者終其身布衣蔬本集作疏食本集或下有極

人之不堪而襟度灑然略無怨天尤人之意介本集作形於言

貌間蓋先生素志有在終身本集作已未能自遂其本懷而如

其蹈履任真一意孤行嗚呼卽傳紀所載古較然不欺其

志之高人逸士亦奚以過彼議先生者固為不知先生卽

譽先生而不得其實者亦為未盡先生之真也先生所著

有榭葉集本集有十卷二字其文率出自胸臆不蹈襲前人詩則

自成一家而聲韻與彭澤相本集無相字近蓋生平最愛者淵

明故於淵明之詩嚼咀尤熟不知不覺風韻逼真耳子二

崧義孫七本集有之仁之信之榮之禮順臣之智之孝十四字先生以某年月日生

以某年月日卒以某年月日葬本集作以崇禎六年五月乙巳日丁亥時生以康熙

四十年七月二十四日卯時終其樹碣也則以雍正十一

年某月某日也本集作以今乾隆元年二月清明日也嗚呼先生本集有今字成

古人矣今復易邁斯人耶易邁斯人耶本集矣下作如先生者更可復觀也

耶更可復觀也耶

衍石記事稿太白山人傳康熙間關中儒者咸稱三李公

三李者盤屋二曲富平子德郡太白山人也山人生崇禎

庚午九歲孤稍長讀小學曰道在是矣遂盡焚所習帖括而日誦古書會童子試不肯就匿枯寺中已入智井三晝夜已出走西踰沂南入棧道東登首陽拜伯夷叔齊墓家人跡之歸師扑之曰汝學古人吾必令汝學今人也山人曰願學古人再扑曰學古人乎學今人乎山人曰願學古人又扑曰汝尙欲學古人乎則對曰必學古人於是遠近之人皆以爲癡母命之乃一就試補博士弟子員始名如泌有司改爲密山人曰李密以蜀爲僞朝吾不願如之也乃易名柏字雪木母卒遂棄冠服入太白山中率家人力耕刻苦爲學家故貧兵盜水旱滋益困耳子德被徵至京

師數稱山人賢始有知之者或欲周之而山人難爲衣食
嘗一日兩粥或半月無鹽時時忍饑默坐閒臨水把釣夷
然不屑也自誦曰貧賤在我實有其門出我門死入我門
存又曰牛被繡鸞刀就又曰古之人有七日不火食者有
三旬九餐者有食木子橡栗者有屑榆者有一日長坐者
有餐氈齧雪十九年者蓋有主於中不動於外抱節死義
不忘溝壑也此山人胸懷本趣然也著有榭葉集自題云
山中乏紙采幽巖之肥綠瀝心血之餘液積久盈篋遂爲
集名好作書自云吾希觀前賢名蹟而以山中之見聞發
之於書蓋以山爲骨水爲肉云其高寄絕俗多此類山人

卒年六十餘

按卒年失實

有子曰崧女適李慎言二曲子

按二曲集

馮雲程傳有一女二曲中孚子爲長子慎言擇配是慎言妻姓馮非雪木女可爲鐵證不知衍石何據而爲此誣言

論曰昔宋有太白山人焉摘洞林之讖沈謀踣巢明有太白山人焉戴遠遊之冠風施在茗雪木子其類耶不類耶學不嬰世飢不出門石骨而木顏食水而衣雲其斯以爲山中之人也歟

九畹文集關中人文傳李柏字雪木郿人少貧傭於酒家鄉先達從酤異其貌爲誦詩十章旣上口授書過目不忘勸之學乃入太白山十年成大儒名公卿多招之出柏度不獲行己志卒辭謝朝夕謳吟拾山中榭葉書之門人都

其集曰榭葉集

按名公卿多招之於事無考少備酒家尤不見他書錄之以廣異聞可耳

洋縣志流寓李柏字雪木郿人垂髫時卽志追先賢隱居
太白山潛心理學典墳邱索諸子百家博采貫通海內稱
關中三李柏其一也時因西鳳大飢卜居漢洋著書立說
士宗仰之

郿縣志李柏字雪木郿人自稱太白山人與李因篤李顥
稱關中三李讀書躬耕養母母卒廬墓三年有田二百五
十畝去太白山麓十五里時往來山中或雪後獨上高峯
看月熊羆虎豹叫嘯前後性寥鬱孤憤與世齟齬不可合
亦好爲大言奇服詭行以耀於時於河東買大牛高八尺

頭尾長一丈二尺騎牛入城市中兒童噪且隨之牛歸臥
場圃柏便坐牛髀脅閒擊缶被髮歌呼烏烏名其牛曰牛
蒲圃歲荒避盜鳳翔徙漢上多見窘於田夫俗人又大旱
芻茭不繼牛亦餓死嘗馴一鶴曰松友者柏出遊歸鶴折
其一足柏刲生彘啖之涕泗並下鶴死至操杖詈罵其老
妻任情放誕率如此有宋生買宅樊川招之往亦不果七
十一歲卒世傳其能詩撰榭葉集五卷

鳳翔府志儒林李柏郿縣人貫穿百家勃宰理窟與朝邑

李楷富平李因篤齊名稱關中三李按王葵圃關中人物
考略云李因篤與李

中孚及李柏稱關中三李或曰
三李有叔則無中孚論文章也

文獻徵存錄李柏字雪木郿縣人初爲諸生避亂居洋縣
入太白山屏迹讀書者數十年與富平李因篤並有名
國朝先正事略李柏字雪木少孤貧稍長讀小學曰道在
是矣遂盡焚帖括而日讀古書家人強之應試遂出走西
踰汧南入棧道東登首陽拜夷齊墓復以母命就試補諸
生旋棄巾服入太白山讀書十年成大儒公卿多欲薦之
度不獲行已志卒辭謝昕夕謳吟拾山中槲葉書之門人
都其集曰槲葉集山居力耕日食粥或半月食無鹽意夷
然不屑也嘗言古之人有七日不火食者有三旬九餐者
有食木子橡栗者有屑榆者有一日長坐者有十九年餐

氈嚙雪者蓋有主於中不動於外所謂不忘溝壑也其高
寄絕俗類此年七十一卒

許生洲榭葉集敍往余初入關中與頻陽李子德太史揚
摧關中隱逸載及太白山人始知有其人矣而未得其詳
也已而行部周原進諸學官弟子諮詢文獻漸得其詳矣
而未見其人也嗣奉御書之役獲至橫渠屏驪過訪見其
葛巾草服如野鶴閒雲所居容膝僅蔽風雨而圖書萬卷
四壁縱橫進歌草蟲退詠白駒於是見其人矣而猶未窺
其深也遲之又久始得其榭葉集讀之不禁撫卷歎曰若
山人者庶幾古隱君子之流乎夫君子埒草木以盡天下

之色鼓雷霆以盡天下之聲闡幽隱以盡天下之蘊互日月交山川錯鳥獸以盡天下之變其志定者其言簡以重其志儉者其言質以實其志剛者其言果以斷其志直且廉者其言坦易以揚厲山人庶幾古隱君子之流乎抑又聞山人嘗大雪中直走太白山巔萬壑冰霜晶瑩四射狂歌散髮高臥其中一片清寒沁入肺腑故作為詩文無復人間煙火氣異日者益將鞭靈籙驗霽霽乘朔風擎白日摩浩月觀天地之倚附掘陰陽之屈伸於是山人齊猶龍之變化而不可物色矣康熙二十六年丁卯冬

駱簡菴榭葉集敘先生今年歸自漢南不以余爲舛鄙謬

相過從盤桓旬日仰天耳熱掀髯劇譚十五國之貞淫正
變千古之治亂興衰靡不刺刺言之瞭如指掌更出其所
爲詩古文詞數萬言皆能豎立鐵骨自成織錦不屑屑拾
人牙慧而奇思偉論則一空前後作者後之學者讀先生
之文章景先生之芳躅想太白峯頭當有雲煙繚繞鬼怪
百出風雨飛來雷電交作之狀然後知先生之浩落襟懷
與天地爲徒與煙霞爲侶與山川草木鹿豕禽魚爲居遊
者共有千古矣康熙三十四年乙亥夏

王華嶽榭葉集敘京家居時聞同里子德李先生曰關中
三李余行季素以虛聲聞於人自問恆多過情之恥行伯

中孚李先生行仲雪木李先生學業文章誠足羽翼六經
發矇振聵自此親灸之望拳拳服膺庚午冬任郿庠甫至
境聞先生因秦地大饑遷於漢南按庚午冬先生南遊衡
州其西遷鳳翔南遷漢
中則在辛未壬申之
際特約略言之耳乙亥春暮先生以拜掃旋里邑侯駱
簡菴先生聞而招之館於南禪請啓先生之篋出先生之
文章命梓人布告海內京幸得接其道範聆其議論所謂
羽翼六經發矇振聵子德先生之言不虛也

蕭柳菴榭葉集敘吾友雪木李先生束髮受書嘗步觀九
原顧墟墓纍纍歎曰百年後化爲荒煙蔓草學者當爲身
後計欲爲身後計當別有正學由是竊讀小學見古人嘉

言懿行豁然悟曰道在是矣遂盡燒所讀帖括潛讀古書
家赤貧膏火不給或升高照月或爇香照字至雞鳴方寢
師禁毋學古恆得一斷簡殘編祕枕中弗令師見會童子
試先生避不就或日暮投宿古廟坐達旦不寐或深入智
井三日夜或潛走曠野危坐連宵不歸或出亡於外西渡
泃水南入雲棧東登首陽拜夷齊墓其兄跡之回塾師扑
曰汝學古人吾必令汝學今人也先生曰願學古人再扑
曰學古人乎學今人乎先生曰願學古人又扑曰汝還欲
學古人乎先生曰必學古人數問而辭不變由是遠近之
人見其蹤跡大奇語言汗漫或曰鬼物憑胸或曰病狂喪

心或曰愚駭下賤祿命不豐訕笑百出先生皆不顧也後
奉孀母命舉博士弟子累試高等母沒憤然棄冠服服法
服結廬太白山讀書學道粗糲食襤褸衣山僧蒲饌道人
籜冠人以爲陋而先生安之如故也深山之中每遇一古
木一怪石則必曰可悟文章每遇松風澗響則必曰可悟
文章每遇枝頭啼鳥水面落花則必曰可悟文章故先生
爲文多得之山水清音不作人間絲竹矣或曰身將隱焉
用文之先生曰言之無文行而不遠故欲知先生者當於
先生之人求之衡州茹少府素善先生者以書招之去先
生挾一騶奴篋書過漢陽涉江夏泛洞庭渡瀟湘發江北

之雲宿江南之夢哀屈原於湘郢哭賈誼於長沙謁武侯
於隆中瞻岫屢於衡嶽酌帝子於蒼梧弔湘君於南浦懷
子房於下邳想黃綺於商山講韜略於襄陽議戰守於函
關此一遊也收盡東南之勝是以有湘中草歸而移家漢
南入雲驛有感抵褒城有感登漢王之臺尋與可之迹眺
五雲之宮躡念佛之巖採篔簹幽谷之竹釣沔陽丙穴之
魚此一遊也收盡西南之勝是以有漢南草又不止太白
山中所見聞者或問先生於文爲左國與史漢與唐宋八
家與先生曰我學入家我居何等先生不爲入家而自成
一家言先生之文道之菁華溢而爲詩爲字文之糟粕余

故序其人因及其文使人知求先生之文不若求先生之人然則賢先生之人傳先生之文者衡州司馬茹公郾之大夫駱公也兩公均可謂知人能得士矣

清麓文集祠堂記吾秦當國初多碩儒鴻才博學高士蓋厓二曲先生富平天生先生及郾縣雪木先生並稱爲關中三李云二曲理學天生文學雪木則高隱成就雖各不同要其根本之地未嘗不一先生九歲失怙家貧孝母雅與二曲相類天生雖應鴻詞科而乞終養疏凡數十上矚然遂其初志且先生修德立言亦自有其理學亦自有其文學與二曲天生性情氣誼深相契合者也故當時如太

華三峯鼎立天外觀先生自述髫齡讀書偶見小學古人
嘉言善行卽取案頭時文焚燒一空至被塾師扑扶終以
願學古人雖死不悔爲辭何其識之高而意之決也終以
母命應試入庠卒卽脫去必求其心之所安卽守宰學使
屢加禮重不以爲意其淡然有守又如此蓋生平慕諸葛
孔明陶元亮之爲人遁迹太白山中重刊本集中下有十
大雪厓洞四字十
餘年易所謂不事王侯高尚其事先生有焉然或者謂後
之知先生者似未若二曲天生之盛不知二曲徵薦至爲
九重所知天生亦名重闕廷先生終身一韋布耳抑二曲
天生著書久顯於世先生櫛葉集往往求之不得是以二

曲天生後生猶多能舉其姓名重刊本集作名姓至先生則知者

少矣雖然實之至者久亦必彰光緒壬午本集作癸未國史館

檄搜遺獻麟以關中諸人疏啓中丞馮公咨送史館先生

與焉而未果行後必有行之者矣不謂先生去今二百餘

年之久而邑宰張公追慕景仰爲之誌其里居本集居下有邑宰毛

公四本集並本集創祠宇屬紳士明經王某本集某作松亭爲之經理

亦可見理義之感人者深正殿三楹齋廈六間大門一座

圍牆四周規模未大氣象聿新又有能刊行先生之集者

尤其幸也至集中疏啓本集啓作記諸篇未能嚴絕二氏亦一

時應酬之作不足爲先生累而實非有佞佛之意也王君

致本集函並令胡生澗松偕先生後裔忍至余清麓求記

王君且曰昔者邑侯趙公補修本集作橫渠先賢張子祠

既辱以文今先生之祠敢又以請乃力疾而為之記此記已附

刊榭葉集後惟清麓集列為壬辰榭葉集於記末有光緒十九年癸巳季春之月等字至記中字句有互異處皆分

注各字之下

又帖跋雪木先生在國初為吾秦高士其所著榭葉集學

士大夫爭欲快覩而字畫真蹟傳者實罕光緒辛巳岐山

武生文炳得二紙一亦山園記一淡園記也亟裝潢成卷

遠以眎予予雖未見先生書而此二紙者決無可疑不惟

筆勢奇逸超出塵埃而文亦雅類漆園心境灑脫自可想

見至其發揮淡字尤非先生高識遠見未易有此因此益
思淡而不厭吾儒下學爲己之功知先生之所得深矣敬
題其後以歸敬亭且告以敬其人愛其字而尤當識此意

也

重刊本集亦載此記惟標爲淡
園亦山園二記墨蹟卷子書後

慎齋集跋淡園亦山園記墨蹟卷雪木先生生當明季抱
草莽孤憤無所發抒遂放浪山水間其志亦可悲矣後人
見其行文雲譎波詭以爲逍遙人間世耳而詎知與屈大
夫九歌同其悽愴耶郟邑志謂先生任情放誕豈非癡人
說夢誦詩讀書必知人論世子輿氏所以識高千古與予
睹先生遺墨而不禁歎息久之戊戌初春

高熙亭重刊榭葉集敘世稱雪木先生之文曰奇夫非好
奇也蓋其胸有萬古小視天下其識力高出恆流百倍雖
欲不奇其文而不得也故人則奇之而吾竊以爲常其事
親與師也不學今不就試奇矣而實常也其事君也雖死
不二未嘗仕勝國而終爲勝國之遺民薦牘在廷橡栗在
野奇矣而仍常也始則見朱子小學而燔時文旣則學業
文章誠足羽翼六經發矇振聵李天生亦稱之夫何異於
爲儒耶而世之論者若謂其不專習程朱之書刻程朱之
集襲程朱之語錄而爲書攻其稍異於程朱者以張吾道
之門戶遂不許爲名儒而屏之關學之外蓋有不可解者

矣吾嘗考之國初以來關輔名流輩出如雪木先生暨李
天生王山史其最著者三李四賢於是稱焉天下名集鮮
不著錄而獨佚於關學之編欲起先儒而問之亦不可得

矣今其後象先肄業吾校

按高文通時主吾
秦存古學堂講

久之乃與同

學諸友商訂先生全書於其舊板之燬於兵燹者出祕籍
而重梓之以公海內從此先生之文著即先生之行著而
先生之爲儒將與李天生王山史諸先生皆大爲表章於
正學缺微之日此關學再起之一機也羈人於此拭目俟
之矣至其詩文之奇無往不關乎世道人心之大則有斯
集與前人之論在茲不贅述云宣統辛亥孟秋

王仙洲重刻榭葉集序郿縣東南太白山志謂卽禹貢惇
物盛夏積雪人跡罕至清初李雪木先生嘗往來山中數
十年臥明月嚼冰雪讀書樂道屏絕榮利嘗自號太白山
人所著榭葉集自序云山中無紙采榭葉書之故以名集
頗聞故老相傳先生生於明季大清龍興隱居求志鄉人
有入庠者母豔之先生乃一應試補諸生博堂上歡旋棄
去布衣終身泊如也同治甲子余年十三隨諸兄謁先生
墓讀王豐川先生所爲墓碣記知關中三李齊名爲不誣
旣讀先資政手鈔先生詩一卷求其文不可得久之琴溪
六弟始從友人處借錄一通又久之乃以重值搜得全集

旋爲三原賀復齋先生借去復齋沒書遂佚聞昔年榭葉
集刻甫成文網嚴密故傳世絕少云憶壬辰歲先松亭兄
約同志創建先生祠宇置祭田乞復齋先生作記彼時先
兄卽議重刻斯集以廣其傳復齋先生亟贊成卒以人事
不果今先兄下世忽忽三年矣兄子謙樞乃與先生裔孫
象先及同學諸友謀醵金重鋟板遂乃父志予聞之欣然
寄三十金促其成刻將竣象先書來問序嗟呼先生抱不
可一世之概志潔行芳皎然絕俗嘗詠梅花詩云三冬無
此物四海盡雷同正先生自爲寫照而淡園一記尤見先
生學道得力抗節孤高足維名教視世之撓情華臚初終

易操者固高出萬萬今先生集具在誦其詩讀其文可以
論世知人乾隆郿志乃稱先生奇服詭行任情放誕豈果
爲定論哉先生生平大節詳於王豐川墓記及先正事略
錢衍石太白山人傳賀復齋祠記並屬象先刊附卷末俾
後世有所徵信而先兄未遂之志九原有知其亦少慰矣
乎是爲序時在辛亥仲春撰於西涼郡署

沈杏卿重刊榭葉集序自來鴻儒博學代不乏人或則養
望林泉或則不就徵辟卒之志節未堅薰心利祿以至出
處異致身名俱隳讀史者所爲咨嗟太息而歎獨行介節
之士克以全其始終者不易數觀也卓哉雪木先生何其

志之堅而力之果與先生家郿南後築草堂於太白山中
移而居之故自號曰山人也自數歲入學卽有志於古人
不屑爲帖括文以求仕進繼迫於母命不得已而應試爲
博士弟子母沒卽棄儒服而隱焉家素寒微加以饑饉兵
荒遷徙流離至於噉糠覈咬菜根朝不顧夕而悠然自得
毫無所動於懷來此非視富貴如浮雲者能若是之安於
淡泊數十年如一日乎生平手不釋卷於書無所不讀貫
串百家而惟守關閩之學爲宗旨其爲文獨出機軸自成
一家而又以避地之故西至漢川知己相邀南遊衡嶽渡
瀟湘涉洞庭登九嶷陟祝融足跡經數千里名山大澤無

不遊覽益足振作其精神發舒其志氣故或著爲論說或發爲詩歌隨時隨地均有記述雖淺近之言皆成妙諦所謂因文見道者先生殆其人耶故不觀先生之文無以知先生之學不知先生之學無以知先生之品也余自筮仕關中耳其名而景慕者久之乙酉春來攝邑篆下車訪求先生著作得其抄本櫛葉集五卷稟學憲爲之表章當經奉批允行嗣復購得刊本一冊爲康熙時郿之大夫駱公文暨儒按儒應提之誤學許公孫荃蕭公震生諸人敘余捧讀之下愛不釋手覺曠達幽逸之致與夫卓犖特立之懷有令人羞原誤對軒冕者惜歷年既久鐫板無存欲以先生之

文傳先生之人而無由廣布也因將原本重刊以公同好
當此世風披靡之會苟讀是書者聞先生之亮節高風奮
然興起將見默化潛移不難挽旣倒之狂瀾其有關世道
人心豈淺鮮哉爰爲之贊曰太白蒼蒼渭水洋洋先生高
臥雲水之鄉孤松野鶴樂與徜徉牧童樵叟共話羲皇惟
淵明與和靖實異代而同芳名垂百世兮得並首陽景仰
遺徽兮直與高山流水以俱長宣統二年孟春之月
余子厚批答請刊榭葉集文故儒雪木李先生亮節清風
徵車不就仰止高山傾心已久使秦以來尤復勤加甄采
頃得賢令搜呈榭葉集逸情高韻託旨遙深不謂永嘉之

未復聞正始之音關中元氣醞厚代有絕學典型不墮端
在斯人展誦再三欽企曷己亟宜付厥手民彰茲潛德寥
答數語以誌景懷

王仙洲太白山人傳跋吾郡乾隆間縣志稱雪木先生奇
服詭行任情放誕余前跋岐山武敬亭廣文所藏淡園亦
山園墨蹟卷已糾正其妄頃閱錢衍石文集尙不失其真
特錄一通寄歸以備他日修改縣志之資先生爲勝國逸
老入本朝不肯隨俗俯仰宜人以爲怪誕然其皎然自立
志在聖賢則人罕有識者光緒壬辰間吾松亭大兄約同
志創建先生祠堂於縣東曾家寨請三原賀復齋先生撰

碑記之並題額曰願學古人真先生知心哉

亦山園說淡園跋墨蹟書後國初鄉先輩最稱三李二曲
天生兩先生久已姓名天壤獨雪木先生不講學不廣交
匿迹銷聲世之知者遂寡正惟知之寡益見品之高若第
以石隱目之猶淺之乎測先生矣先生不云乎大丈夫貴
知時時有可爲則爲渭水之玉璜傅巖之鹽梅慎毋痼疾
邱園當仁廟世三藩削平海宇清謚時可爲矣雖生明季
入國朝僅十五齡耳旣壯而仕原無二主之議又際可爲
之時顧乃軒冕錙塵遁世不悔此其故可於先生之文言
外得之先生之傳焦烈婦也則曰世有朝爲君臣暮爲仇

讐者不且有愧於女子耶於傳張烈婦也則又曰男子立
人之朝朝爲君臣而暮事異姓者抑又何耶於傳關西三
貞女也則又曰所以愧天下後世爲人臣而忘君事仇者
爲婦人女子作傳必於君臣之義拳拳三致意實與二曲
天生同深故國之思抱易代之戚者衡諸三貞女處境略
同而立心尤苦非天懷淡定盍克臻此兩文意境頗近漆
園而跋語闡發淡義淋漓盡致足徵生平造詣得力處今
之受恩故主獻身新朝覲顏不顧者毋亦不能淡之故盍
取此文清夜讀之文俱載榭葉集前爲亦山園說後張仲
貞淡園跋蓋曩曾爲淡園記矣己未十月山陽後學吳懷

清敬跋

再題遺墨卷子雪木先生書自撰亦山園記淡園跋余既
書其後矣此亦先生遺墨俱岐山武君敬亭所藏敬亭未
得見聞藏書甚夥迭經兵燹大半散失獨於先生手蹟愛
護甚至故完好如故猶慮秦難未已也特屬其姻劉君蓮
浦攜之京邸代爲藏弄並徵題跋因得留覽多日亦於先
生有文字緣哉所書七律八首乃山房詠懷之作見榭葉
集至鬼孝子傳與焦臥雲書集均未載按癸丑重刊之集始將兩文附入補
遺題跋時未及見也知先生著述不傳者多矣又先生卒年先正事
略作六十六與墓碣及郿志作七十一異今據此傳跋語

證之撰時已六十有七足訂事略之訛己未冬日

清談故

再題遺墨卷于雪太先生書自撰亦山圖記淡園跋余就
 書其後矣此亦先生遺墨俱岐山武君敬亭所藏敬亭本
 係見明藏者甚夥遂經兵燹大半散失獨於先生手蹟愛
 護甚至故完好如故猶虞秦雜之已也特為之記以備
 清林之某時代為題并並徵題跋因得獨覽者且亦於
 生有文字錄哉所書七律八首乃山房散曠之作見謝道
 真三為孝子傳與世以聖善集均未載然其詞又簡人
 及及及及及先生書寫不傳者多矣又先生五十年先生

關中三李年譜卷五終

男永燁校字